

DIARIO Arubaanse Courant

ANJA 27

Dia Razon 30 di November 1966

No. 8018

WELGA DI UN ORA DEN HAF DI BONAIRE AYERA MAINTA

WILLEMSTAD, - Ayera mainta despues di basta dificultad na Bonaire entre N.V. Handelsmaatschappij Kralendijk y dirigenten di Algemene Haven Unie, quendenan a organisá un bond di trahadornan di haaf na Bonaire recientemente, e dificultadnan aki a bin culmina den un welga di corto duracion contra e compania aki.

E welga aki tabata consecuencia di e hecho cu N.V. Handelsmaatschappij Kralendijk a bin reconece e bond qu solamente algun dia pasá a ser lanti na Bonaire mes cu ta Algemene Federatie van Bonairiaanse Werknemers. E bond aki a ser forma door di Bonerianonan mes quendenan a afiliá na C.F.W.

Ayera mainta tabatin un bapor di Hapag qu a drenta y normalmente trahadornan a cuminsa siet'or pa nan bai come mitar di nuebe.

Aparentemente tabata den e ora cu e trahadornan a bai come, cu Cai Sintjago y Papachi Everts a papia cu e trahadornan pa nan stop di traha y esaki a bin resulta qu e trahadornan a cuminsa welga.

Sin embargo, segun un vocero di N.V. Handelsmaatschappij Kralendijk a informa nos telefonicamente, despues di mei ora nan tabatin un ploeg di trahadornan di haaf riba e bapor grandi, ya cu Augusto Flores, qu ta voorman y miembro di e bond nobo Algemene Federatie van Bonairiaanse Werknemers, a papia cu nan pa sigui traha.

Tambe e vocero di N.V. Handelsmaatschappij Kralendijk a in-

forma nos qu Joaquin de Jongh qu tabata un di e fundadornan di e bond di Godet na Bonaire, a keda traha, saliendo for di e bond di Godet.

MOTIBU DI WELGA

Segun nos a ser informa ayera mainta door di señor Amador Nita, secretario general di Algemene Haven Unie y co-fundador di e otro bond di trahadornan di haaf na Bonaire, e welga a ser inicia pa motibu qu nan akita Cai Sintjago for di trabao.

El a declara qu nan a hanja noticia di e welga y cu un pa otro nan tabata cla pa bai Bonaire.

Nos corresponsal na Bonaire a declara na nos despues qu ora cu e welga a caba di tuma lugar el a topa cu un di e trahadornan y a puntrele ta di con el a welga y e homber a conteste qu si e no a uni su mes na e otro nan lo nan a dal mi."

Segun un vocero di e compania a declara na nos, esaki ta demostra claramente e influencia qu e dirigenten di e Bond di Godet tabatin riba e personanan aki quendenan a pasa tres dia na Corsow pa hafa instruccion.

El a declara di ta lamenta e cos aki sumamente pasobra nunca antes e ambiente aki tabata reina den haaf di Bonaire y net awor qu Bonaire ta lanta pa e por cana, qu nan a hafa International Salt Company, nan ta hafa Hotel Sorobon y poco poco mas industria y mas hotel ta bini, ta bini trouble.

Ademas, segun nos corresponsal a informa nos, durante ultimo dianan mas y mas e impresion ta aumentando di qu e dirigenten di Algemene Haven Unie ta tratando di bloquea e trafico maritimo pa Bonaire, mediante nan actividadnan den e bond nobo ya qu tur carga qu ser transferi y descarga directamente na Kralendijk, ta nifica menos trabao pa trahadornan di haaf na Corsow.

El a declara tambe qu si bapornan dicidi di keda sin bai descargar directamente na Bonaire, y descarga na Corsow despues transporta e carga aki pa Bonaire, esaki lo resulta den aumento di costo di bida pa habitantenan di e isla.

Actualmente bapornan ta descargando te 250 tonelada di articulo na Bonaire. E bapor quataba descargando awe mainta tabatin 41 tonelada di carga pa e isla.

RECONOCIMIENTO PA E BOND NOBO.

Segun nos a ser informa, tantu Maduro & Sons, KNKM como N.V. Handelsmaatschappij Kralendijk a reconece e bond nobo Algemene Federatie van Bonairiaanse Werknemers, qu segun nan, ta e unico bond legitimo Boneriano.

CANTIDAD DI WELGISTANAN

Segun nos a ser informa, 16 persona a welga ayera mainta mientras qu 22 trahador di haaf a ser contratá ya qu en vista di e awaserru di e ultimo dianan mester tabatin di mas hende pa caba di hala e carga mas liher riba truck.

Puntra su opinion riba e personanan qu a welga, e director di N.V. Handelsmaatschappij Kralendijk a declara qu e proximo oportunidad qu presenta, lo e contrata e personanan qu no a welga pa bin descarga bapor.

Tambe nos a ser informa qu e compania a tuma e arreglonan necesario pa e personanan qu si

ta trahando por come bordo di e bapor merdia pa asina nan no ser molestia door di e welgistanan qu ta sintá bao di palu dilanti waaf.

Tambe tin refuerzo policial riba waaf, ya qu tin tres polis ta teniendo warda pa eventual dificultadnan qu por surgi.

Señor Gerharts a declara na nos ayera mainta, riba nos pregunta,

qu nan no a busca intermediacion di Landsbemiddelaar pasobra no tabatin cuestion di qu trahadornan di un bond a strike, sino mas bien qu un grupo di trahador a inicia un "wild strike".

Mientras tantu nan tabata spera señores Godet y Nita na Bonaire awe dies pasá di diesdos di merdia.

GRANDIOSO APERTURA DI

FESTIVAL ANTILLANO DI CANCION

December 10, 1966 7.30 p.m. den

CENTRO CULTURAL na ORANJESTAD

Continuacion: Dec. 13, 17 y 18.

Caarchinan obtenibel na La Esperanza, Centro Cultural y Piet's Soda Fountain.

Entrada general fl. 2.--

Bin y apoya e festival Antillano di Cancion!

ATENCION

ATENCION

ATENCION!!!

GRANDIOSO NOTICIA DI SAADE STORE

Pa Pascu nos ta ofrece henter pueblo di Aruba un rebaha especial!

A caba di jega un enorme surtido di tur clase di muebles exclusivo, di bon calidad y duradero.

PASA MIRA NOS SURTIDO DI:

TAPIJT - LAMPI- ARTE MURANO - DIFERENTE ARTICULOS PA REGALOS:

Den nos vitrina tin e modelonan

di mas nobo

den aparatonan di e famoso marca

ADMIRAL

manera:

- * Televisor
- * Frigidaire
- * Radio



NOS SPECIALIDAD TA:

Cortina y tela pa cose cortina.

Provecha awor y haci Bo compras na:

SAADE STORE

Nassaustra 1. tel. 2189



Un multitud grandi, mas o menos 3000 hende, a asisti diadomingo anochi na e exitoso apertura di e tradicional Festival di Aguinaldos. Prome cu e apertura, notanan sentimental di Pascu a ser toca, treciendo asina e publico den e berdadero ambiente di Pascu. Na nomber di e Consejo Parokial di Santa Cruz, cual organizacion ta organiza e Festival di e anja aki, e maestro di ceremonia y presidente di e comision organizador, sr. Thomas Delaney, a habri e anochi expresando gratitud na tur e

persona - e instancianan cu a coopera na realizacion di e festival. Despues a sigui presentacion di e 15 gruponan di aguinaldos na e numeroso publico. Ya riba e prome anochi caba, e festival a hanja un acogida tremendo di e publico y generalmente ta ser spera cu tur e otro shownan cu lo sigui den e proximo simannan tambe lo cosecha hopi exito. E foto ta muestra un parti di e numeroso publico ta presencia e gruponan ta pasa dilanti e tribunanan.

Conocido contratista Isidro Lopez a fallece

BARCADERA -- Cu Aruba Chemical Industries tambe tin confianza den e futuro di Aruba, a keda demonstra plenamente diabierne atardi cu e apertura oficial di e planta nobo di "Calcium Ammonium Nitrate" (C.A.N.) E apertura oficial aki a ser efectua pa gezaghebber Oscar S. Henriquez ora cu el a hala un switch, inmediatamente despues di cual henter e planta a cuminsa funciona.

SANTA CRUZ -- Un personahe hopi conocí y masha aprecia den nos comunidad, un di e yunanan grandi di Santa Cruz, Sr. Isidro Lopez, a fallece dialuna anochi och'or den San Pedro Hospital a consecuencia di e heridanan cu el a sufrí den un accidente di trafico.

Tur su conocirnan na Aruba a lamenta masha hopi e partida di e contratista carinoso aki. Edifunto aki a caracteriza su mes pa su bon trato y e amor grandi cu cual e tabata haci su trabau. Especialmente e atencion cu e tabata paga na tu e obranan grandi cu

el a haci riba su isla natal, ta algo ehemplar.

Diasabra merdia cuartopasa di diezdos mala suerte a companja Isidro Lopez, ora cu su pick-up a kantel den Rooi Frances. Pa empeora e caso un poco mas, e vehiculo a cai riba e victima, causando cu Sr. Isidro Lopez a keda pega entre e pick-up y e canto di caminda, di manera cu e no por a salba su curpa. Personanan cu a corre yega despues di e accidente a logra pone e pick-up riba su cuatro wielnan atrobe y a saca e victima for di su posicion incomodo. Sr. Lopez tabata

keha di dolornan na su lomba, y el a ser transporta cu ambulancia pa San Pedro Hospital, na unda dokter Hazenberg a duna orden cu e mester keda hospital.

Na momento cu e victima tabata pega bai di e auto, gasoline tabata sali for di e auto y te ora cu el a ser saca e a drumi basta rato den e gasolin cayente, di manera cu e likido aki tambe lo mester a caus'e hopi danjo.

Dialuna anochi San Pedro Hospital a informa cu Isidro Lopez a fallece debi na e heridanan cu el a sufrí den e accidente. El a fallece na edad di 59 anja.

Ayera tardi su hopi amigonan a companje for di su cas na Maucuarima 95 pa su ultimo lugar di descanso.

Na e famianan di Sr. Isidro Lopez, kende a bira e di 13 victima cu trafico ta exige te ainda den e anja aki, nos ta desea forza den e perdida grandi cu nan a sufrí.

TA BENDE

Articulos pa uso di cas na MADIKI 13.

Un cama cu matras F. 150.--;
Un radio pickup console F. 150.--;
Un Refrigerador F. 150.--; Un
tapijt F. 50.--; Un lessenaar
F. 75.-- y varios otro articu-
los mas na prijs masha abou!
Pa mas informacion acudi na:
E.S. Gilkes, Korteweg 1, of
Sr. N.D. Gilkes, Tel. 1476.

BAILE DI N.G.P.

ORANJESTAD -- Dia 4 di december "Nederlandse Padvindsters Gilde" (N.P.G.) lo organiza un fiesta bailable den Clubhuis di R. C.A. na Solito. E fiesta aki lo ta na beneficio di e Clubhuis di N. P.G. E fiesta lo ta di 2^o or di atardi pa 8^o or di anochi y musica lo ta di "The Strangers".



Rey De Copas
A REGALA:
Fls. 200.--

na su participantesnan di concurso cual ta hunga dia 19 di December 1966.

Cuanto placa tin den e vitrina di Aruba Distilling Co., na Wilhelminastraat No. 51?

REGLANAN PA PARTICIPA.

1) Pa cada botter bashi di Rey de Copas di mei Galon bo ta recibí 4 tickets, pa cada botter di 12/1 bo ta recibí dos tickets, pa cada botter di 24/2 bo ta recibí un ticket y pa cada dos botter di 48/4 bo ta recibí un ticket.

2) Entrega e formulario aki jená na oficina di Aruba Distilling Co., Wilhelminastraat No. 51.

3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido.

4) Si tin mas cu un beneficiado e premio ta ser parti den casnan cu tin e pregunta correcto.



Ilda Loepstok den e show di "Cidia's" diasabra anochi den Club Bonaire, a haci su debut como modelo. Aki e ta luci un peinado "Desiree".

PINOCCHIO
Kerkstraat 15,
Oranjestad.

Nos tin un grandioso variacion di juguetes di calidad, entre otro:

- * Lessenaar, bordchi, stoel pa mira television.
- * Set di tē, popchi, wagen na popchi, pafia pa popchi barbi.
- * Machien di cose, set di toilet, set completo di combat, auto-jeep y avion di metal y plastic y hopi otro mas. Bishita 'nos y convence Bo mes!


Cu profundo sentimiento nos ta
anuncia fallecimiento di nos
miembro y co-fundador

ISIDRO LOPEZ

(Q.E.P.D.)

Cu su alma sosega na paz.

Directiva y miembronan di
Werkgevers Vereniging Arubaanse
Arbeid (W.A.B.)



Sorprende bo bishitanan cu a bini di sorpresa
cu algo berdaderamente bon.
Sirbi nan Corned Beef di



Agente: N. V. WINKEL'S HANDEL MAATSCHAPPIJ
Tel: 1431 y 2397



OPENBARE VERGADERING VAN DE EILANDSRAAD

Van Aruba op donderdag 1 december 1966 des avonds om 8.00 uur.

AGENDA

1. Brief van de Club Orquidea, houdende kennisgeving van de oprichting van de "Orquidea Relief Committee" San Nicolaas.
2. Brief van de Algemene Nederlands Antilliaanse Ambtenaren Federatie, waarbij wordt aangeboden afschrift van een brief, gericht aan de heer Minister-President van de Nederlandse Antillen, betreffende de verhoging van de duurtetoeslag.
3. Brief van het Bestuurscollege, houdende aanbieding van de Projecten-lijst tweede fase Ontwikkelingsplan Aruba.
4. Ontwerp-ellandsverordening tot wijziging van de Eilandsverordening aansluitingskosten Water- en Energiebedrijf.
5. Ontwerp-ellandsverordening tot wijziging van de Invorderings-Aruba 1953.
6. Brief van het Bestuurscollege, houdende verzoek om machtiging tot het voeren van rechtsgedingen inzake de invordering van studiekosten.
7. Brief van het Bestuurscollege betreffende de bouw van een eetwas- en kleedgelegenheid bij de haven van Oranjestad.

Oranjestad, 22 november 1966.

De Voorzitter.
O.S. Henriquez.



TERRITORIO INSULAR DI ARUBA

Ontvanger di Territorio Insular di Aruba ta participa na abonadonan cu no a paga abono di Telefon di luna di November 1966, cu aanmaning lo ser poni na post dia 2 di December 1966 y cu for di dia 6 di December lo cuminza cobra gasto di aanmaning pa abononan di November 1966.

ANNOUNCEMENT


BAIS AGENCIES CORP. ROMATCO

wish to inform their Arubian clientele and Trade in general, that for obtaining of their products represented, they are invited to call telephone 3094, where they have a representative, who will take care that delivery is effected at the soonest possible from their office in Curacao. Thus, as per to-morrow december 1st 1966.

Johnson

Awor ta tempo pa cumpra un OUTBOARD MOTOR

JOHNSON	EVINRUDE	Gasolin ESSO
H.P.	H.P.	Galónnan gratis
3	3	35
5	-	50
6	6	60
9 1/2	9 1/2	75
15	15	90
18	18	100
20	--	115
--	28	125
33	--	150
40	40	180



Modelonan
1966

EVINRUDE

N.V. WINKEL'S HANDEL MIJ

Oranjestad - tel. 1431, 2397

San Nicolas - Tel. 5150

NEW YORK -- E barcu di carga qu tabata nabega bao di number di bandera panameño y qu ta hiba e number di San Rocco tabata tur na candela den Oceano Atlantico, na 1,800 milla zuid-oost di New York y aparentemente tabata den peliger pa sink, segun

servicio di guardacosta a informa. Te den oranan di atardi di awe numa nan lo por yega e lugar na unda e barcu aki lo ta sink, mientras qu dos barcu di guarda costa a ser manda pe lugar aki.

TEATRO DE VEER - alrecondiciona
ta presenta AWE NOCHI 30 di Nov.

WINNER OF 6 ACADEMY AWARDS!
METRO-GOLDWYN-MAYER PRESENTS A CARLO PONTI PRODUCTION
DAVID LEAN'S FILM OF BORIS PASTERNAK'S
DOCTOR ZHIVAGO
IN PANAVISION AND METROCOLOR



f. 2.50

all ages.

BEBE.



Nunca
E ta
Varia

TA HUUR

Un cas cu tres dormitorio na
Marnixstraat, San Nicolas.

Prijs di huur F. 85.--

Prijs di huur F. 85.-- pa luna.
Obtenibel directamente.

Jama Sr. J. Meelis na Maduro
& Sons, Tel. 1735.

ABONA

ARUBAANSE

COURANT

YAMA TEL. 1116

PAGINA DEPORTIVA

PRESENTA

PA:



ORTIZ A DERROTA ELORDE PA KNOCKOUT DEN DI 14 ROUND

NEW YORK -- UPI -- Carlos Ortiz, campeón mundial di peso liviano, a retene su corona ayera nochi vendiendo Gabriel "Flash" Elorde pa knockout den di diescuater round.

E boxeo Portorriqueño a mantene un ataque casi constante riba su adversario Filipino te ora el a alcanse cu un gancho di man robes cu a pone fuera de combate, den e pelea cu a ser realiza den Madison Square Garden.

Elorde cu ta bringa riba man robes, di e manera ei a ser mandada lona pa prome blaha den su carrera.

E campeón a demostra durante e pelea cu e ta esun mas fuerte di e dos hombernan cu a subi ring pa disputa e corona di peso liviano, dominando e pelea for di cuminsamento te fin.

Ortiz a cambia jabnan di man robes cu derechazonan duro, pa di e manera ei e supera e resistencia di e adversario den e prome roundnan.

Elorde, cu tabatin e orgullo di no a ser tumba hama pa perde un pelea pa knockout, a yega den e di diescuater round den mal condicionnan y Ortiz a caba cune cu dos lefthook na cabes y un otro derechazo na su cachete.

Tabata tambe den di diescuater round cu Ortiz a gana Elorde dos anja pasa na Manila pa knockout tecnico.

Sin embargo den e ocasion ei Flash tabatin ventaha di punto, El

a perde pa motibu di tabatin un herida riba su wowo.

Cu frecuencia, Ortiz a hiba Elorde den cabuya y a castiguele cu golpinan potente na cabes y curpa.

E decision cu Ortiz a obtene contra Elorde no a laga lugar pa duda. E huez Joe Armstrong a duna e titular liviano tur e roundnan mientras cu e huez Artie Aidala a duna e retador Filipino un round.

E referee Jimmy Devlin marca dos roundna fabor di Elorde, cu ta campeón mundial di peso liviano Jr. y e sobra roundnan tabata pa Ortiz.

Elorde a perde tres blaha cuan-

terioridad, pa motibu di a sufrir cortanan cu a impidiele di sigi bringa, pero nunca e no a sunchi lona pa efectividad di golpinan di su rival pa perde pa knockout manera tabata e caso ayera nochi. For di momento cu e campanazo inicial a sona a keda proba cu lo tabata difícil pa e Filipino mantene semehante record contra e agresividad di Ortiz.

E campeón a pisa 61,235 kilo pa e pelea y Elorde 61 kilo.

Ortiz cu tabata favorito cu proporcion di 3-1 a realiza su tercer defensa for di dia cu el a reconquista esaki di e Panameño Ismael Laguna aña pasa.

E pelea, cu a ser efectua den presencia di 6700 persona tabata e di 20 victoria di Ortiz pa via rapido den un carreda pugilístico di 11 aña.


mitsunori SEKI A VENCE ORLANDO MEDINA

TOKYO -- UPI -- E hapones Mitsunori Seki a defende su titulo di campeón peso pluma di extremo oriente cu exito derrotando e filipino Orlando Medina pa knockout tecnico despues di un minuut y diesdos seconde di e segundo round di nan pelea señal pa 12.

E pelea a ser efectua den estadio Korakuen di e ciudad aki.

Seki, tercer den clasificacion di Asociacion Mundial di boxeo a domina e accionnan completamente.

Den e prome round Medina a asumí un actitud pasivo, provocando protestanan entre e dos mil fanaticonan, ya cu e tabata spera e momento oportuno pa



NEW YORK - Radiophoto UPI - Carlos Ortiz ta duna un abrazo a Flash Elorde, mientras cu referee Jim Devlin ta hasi e conteo riba Flash den di diescuater round. Cu e knockout aki, Ortiz a retene su titulo di peso liviano.

connecta un golpi decisivo. Despues di poco cu e segundo round a cuminsa, Seki a hiba e filipino den un skina y a castiguele cu tur dos man y despues a tumbele cu un violento robes na su cachete.

E perdedor a lanta mes ora, pero e mester a scucha e conteo obligatorio di ocho seconde.

Seki a insisti y a connecta un derecho na cachete di su adver-

sario y Medina a bolbe cai pa conteo di ocho seconde. Mes ora cu e desafiante a lanta riba su pianan, Seki a ataque cu un combinacion di derecho y izquierdo y e referee norteamericano Nick Pope a proclama e victoria di e campeón pa knockout, pues asina e reglamento ta bisa, ora cu un boxeo cai tres blaha den mesun round e ta knockout automatico.

a vence Jim McManus cu anotacion di seis-dos, seis-dos, tres seis y seis-tres.

E excampeon di Wimbledon Ned Fraser a elimina e tenista belga Claud de Gronckel cu score di seis-cuater, seis-tres y seis-tres.

Di su parti Allan Fox a derrotar e rumán di Fraser John cu score di seis-cuater, seis-dos y seis-uno, mientras cu un otro norteamericano a vence Rey Russell di Jamaica cu anotacion di seis-dos, seis-uno y seis-tres.

Den e partidonan doble pa caballeros Fox y McManus a derrotar J. Keller y B. Kearney cu score di seis-tres, seis-cuater y seis-uno.

Campeonato di tennis Victorian

MELBOURNE -- UPI -- E tenistan Charles Pasarell di Santurce Puerto Rico y e capitan di e equipo norteamericano Jim McManus a ser elimina antayera den e tercer buelta di e partidonan individual pa caballero di e campeonato di tennis "Victorian" cu ta ser disputa na Kooyong.

E hungador zurdo di Adelaida (Australia), Barry Phillips Moore a derrota Pasarell den un partido hopi interesante cu score di 5-7, 6-3, 7-9, 6-2, y 7-5.

E experto riba cancha duro di e torneo Victorian, Will Coghlan



NEW YORK - Radiophoto UPI - Campeon Mundial di peso ligero Carlos Ortiz di Puerto Rico ta duna e señal "OK" ora cu e retador filipino Flash Elorde tabata para riba balansa. Esaki tabata prome cu nan pelea di ayera nochi.

A.C.I. A EXTENDE SU FABRICA CU E PLANTA NOBO DI C.A.N. INVERSION DI 2 MIYON FLORIN

BARCADERA -- Cu Aruba Chemical Industries tambe tin confianza en e futuro di Aruba, a keda demostra plenamente diabierne aardi cu e apertura oficial di e planta nobo di "Calcium Ammonium Nitrate" (C.A.N.).

E apertura oficial aki a ser efectua pa Gezaghbeer Oscar S. Henriquez ora cu el a hala un switch, inmediatamente despues di cual enter e planta a cuminsa funciona.

Un gran cantidad di invitadonan, representanten di comercio e industria, e diputadonan Oduber, Mathew y Falconi, e comandanten di Marina, A. Romijn, Comandante di Polis, J. Mol, y e director di Lago, W.A. Murray, tabata algun di e funcionarionan alto cu a asisti na e acto di apertura aki.

Despues cu e hefe di Public Relations di A.C.I., Sr. W. van Poelje a yama e concurrencia bon bini, e a introduci e general-manager di A.C.I., Sr. R.G. Abreu, kende a duna un splicacion extenso tocante e planta nobo y cual splicacion nos lo publica un poco mas abau den e relato aki.

Despues cu e hefe di Public Relations di A.C.I., Sr. W. van Poelje a yama e concurrencia bon bini, el a introduci e general manager di A.C.I., Sr. R.G. Abreu kende a duna un splicacion extenso tocante e planta nobo y cual splicacion nos lo publica un poco

Despues di Sr. Abreu, gezaghbeer Henriquez, a tuma palabra, Sr. Henriquez a considera como un gran honor e hecho di por a haci e inauguracion oficial di un planta asina importante pa e progreso di Aruba. Egezaghbeer a conmemora con un cinco anja pasa e difuntu ministro Juancho Yrausquin a duna comienzo na e traubanan riba e fabrica na Barcadera y con riba e atardi ey, mescos cu tabata e caso diabierne ultimo, awacero tabata cal.

Esaki a haci Sr. Henriquez observa tambe cu awa y fertilizer semper ta bai huntu. El a yama A.C.I. un Industria Progresivo, cu ta trata eficiente, cu ta haci traban di "Research", cu ta posee un bon record di seguridad, y cu ta existi un bon comprendemento entre e directi-

va y e trahadornan.

GROW, GROW, GROW.

Gezaghebber Henriquez a clausura su discurso cu un variacion riba e popular "Go, Go, Go", door di desea A.C.I. un "Grow, Grow, Grow", y hopi exito den futuro.

Despues el a hala e switch e inmediatamente e fabrica nobo di "C.A.N." a cuminsa funciona. Un truck cu tabata para cla a laga un cantidad di piedra di kalki (limestone), cual ta un di e materialnan prima den e planta aki, basha den un baki gandi cu tabata destina pa esaki.

Na mesun momento un steelband a cuminsa cambia e ambiente cu algun piezanan musical. E momento alegre e importante aki tabata motibo pa e presentenan a tuma un brindis y purba e cantidad grandi di pasaboca cu tabata disponibel.

Big League...when it comes to flavor, Winston is in a league by itself, thanks to Filter-Blend tobaccos, specially selected for the best taste in filter smoking.



Try America's Largest-Selling Filter Cigarette

Winston tastes good
like a cigarette should

LIN PIAO A SER ACLAMAPA E GUARDIANAN ROJO

LONDRES -- UPI -- E minister di defensa Lin Piao ta ser aclama pa e fanaticonan guardianan rojo cu lemanan di logio y promesanan di lealtad cu ta rivaliza cu esnan cu Mao Tse Tung a hanja segun e agencia noticioso Tass a informa. Den fuentenan di e cortina di eruan a bisa qu Lin tabatin exito parcial di su golpe militar a cuminsamentu di anja y cu e hefe di comunismo chino tabata su virtual prisionero" den e lucha incesante pa poder.

Lin a presenta diferente blaha como aparente heredero di Mao despues di qu e "revolucion cultural" a cuminsa algun luna pasa. E fuentenan a agrega qu e

guardianan rojonan belico ta sigi Lin Piao cu e intencion pa eaplasta e resistencia dentro di partido comunista.

Segun Tass, den cayanan di Pekin, a aparece cartelnan grandi qu ta elogia Lin, afirmando "Nos lo aplasta e cabesnan di cacho di esnan qu ta contra e camarada Lin Piao, e camarada di armanan mas intimo di e presidente Mao" y "esun qu ta contra di camarada Lin Piao, ta contra e guardianan di presidente Mao."

E agencia a nota qu anteriormente guardianan rojo simplemente a jura na "defende presidente Mao Tse Tung te na morto."

Den fuentenan di Europa Oriental nan a bisa qu Lin a planea e golpe militar, pero a fracasa den su intento pa tuma control absoluto di Gobierno di Pekin. Nan a agrega cu parse cu ela logra e apoyo di e forsan arma, despues di un que otro resistencia na cuminsamentu, pero a prefera na mantene esakinan na e margen di lucha pa poder.

MADRID -- E campanja gubernamental pa logra un asistencia abrumador na referendum nacional di dia 14 di december proximo a fin di aproba e ley organisa "El Estado qu a ser proclama pa generalisimo Francisco Franco, taata den un intensidad particular den henter Spanja. Medionan di comunicacion tabata ripiti cada blaha yamamentunan. Nan a pidi pa vota "Si".

NOBENTA PORCIENTO DI ITALIANONAN A VOTA

ROMA -- UPI -- Por lo menos 90 porciento di e habitantenan a vota den e eleccionnan municipal di Italia, no obstante e desasternan qu a ser causa pa e inundacionnan, segun autoridadnan a informa.

E resultadonan no ta ser spera sino te mas atardi laat den cual a vota 1,5 millon ciudadano. E eleccionnan final di antayera y e conteo di e ultimo dos dianan aki lo ser analiza cuidadosamente pa conoce e reaccion contra e gobierno, di coalicion centro-izquierda, pa e forma con ela atende e problema qu a ser crea pa e inundacionnan.

Un disposicion gubernamental pa serra un haf di Trieste a provoca disturbionan violento na otoño ultimo.

Ne mes momento esaki tabata e prome prueba di opinion publica for di despues di e unificacion di e socialista italiano y e creacion di un partido comunista pro-chino.

Afluencia di e votantenan tabata specialmente grandi den e ciudad Trieste, na unda e cuestion di mayor importancia ta e morto economica di e haf adriatica aki di gran prosperidad den otro tempunan.



Un otro bista riba apertura di e grandioso festival di aguinaldo den Wilhelmina Stadion. Aki otro grupo ta desfila dilanti e publico, promer di a intepreta su numero nan.



E sorpresa di diasabra anochi den e show di "Cidia's" den Club Bonaire, tabata presentacion di e pareha infantil aki, e dos rumannan Donald y Jacqueline Jacopucci, yunan di e organizadora di e show Cidia Jacopucci.



Diasabra atardi a tuma lugar bau di un fuerte awacero, e matrimonio entre Rigoberto Tromp y Filomena Velasquez, den Iglesia Santa Ana na Noord. Despues cu pader Nooyen a bendiciona e matrimonio den iglesia, a sigi un recepcion alegre na cas di e bruid na Noord 96.

E foto ta muestra e pareha, acompaña pa e madrina, padrino, y e dos companjadoran chikito.



E joncumannan tambe a hanja chens pa tene man den e show di "Cidia's". Aki Gerrit Vis ta escoltando Vilma Maduro, Gerrit cu su "Corta Ba" haci na "Cidia's" y Vilma den su bistr "Eliotrope", cortesía di La Linda.



Emily Bradshaw, elegante modelo, exhibiendo aki e trahe di banjo "Black & "White", den e show di "Cidia's".



Den Iglesia Santa Filomena na Paradera, a tuma lugar diabierna ultimo bendicionamento di e matrimonio entre Sita Vrolijk di Piedra PLAT 167 y John Croes, di Seru Pita 47. e foto ta muestra e pareha cas di e bruid. Esaki tabata otro matrimonio cu durante fin di siman a tuma lugar bau di awacero.

HOROSCOPO

ARIES (mar. 21 a abril 19) Exprese sus ansias más preciadas a las personas apropiadas y ellas le ayudarán a realizarlas, ya sean de una índole personal o de negocios. Vístase como es debido, cumpla las citas sociales.

TAURO (abril 20 a mayo 20) A usted le gustan mucho los lujos y hoy es un buen día para lograrlos en gran abundancia. Tómese tiempo para reunir la información que necesita. Sea cortés y simpático.

GEMINI (mayo 21 a jun. 20) Sea más sociable y podrá entonces traer a sus asociados dentro del alcance de su brazo y el sonido de su voz. Impresione a otros sus modales. Pague las obligaciones sociales.

CANCER (jun. 21 a jul. 22) No sea tímido. Pídale a esa

Después de "Hair-do & Fashion Show" de "Cidia's" y "La Linda", diasabra anochi den club Bonaire cu San Nicolas, e maestro di ceremonia Hubert (Antiliana) Booy a presenta e organizadora di e show, sra. Cidia Jacopucci, na e publico. Cidia a gradici pa e cooperacion ricibi.

persona de fuste que usted conoce que lo respalde en algún proyecto grande que tenga en mente. Mejore su crédito, también. Entonces podrá navegar con viento favorable.

LEO (jul. 23 a ago 22) Usted se ha hundido en una rutina imposible y debe salir a visitar nuevos lugares, conocer otras personas que puedan hacerle coger otra vez su paso. Utilice esa excelente idea inventiva de naturaleza constructiva.

VIRGO (ago. 23 a sept. 22) Para qué seguir usando sistemas anticuados, cuando hay tantos buenos que puede adoptar para que le brinden resultados me-

jores? Trate de lograr más éxito y rejuvenecerse también.

LIBRA (sept. 23 a oct. 22) Un asociado hábil, pero extremadamente sensible, le brinda ideas excelentes. Cerciórese de usar su habilidad y llévelas a cabo. Combine sus esfuerzos inteligentemente. Cumpla con sus obligaciones escrupulosamente.

ESCORPION (oct. 23 a nov. 21) Usted tiene que mantenerse en un curso recto si desea ganar los beneficios que quiere de ciertos intereses que tiene en mente. Ayude a un compañero hábil con algún plan que tenga. Se beneficiará también.

SAGITARIO (nov. 22 a dic. 21) Usted tiene ahora una actitud apropiada para los placeres y entretenimientos que le gustan. Póngase en contacto con amigos

que congenien. Muéstrese alegre y optimista.

CAPRICORNIO (dic. 22 a ene. 19) Ahora es el momento de conversar con un pariente que está de un humor excelente y le brindará el respaldo que necesita. Ponga en movimiento ese gran proyecto que tiene en mente.

ACUARIO (ene. 20 a feb. 18) Usted piensa ahora con mucha claridad y podrá fácilmente hacer que otros se asocien a sus ideas magníficas. Haga rápidamente su trabajo regular. Sea serio y trate de mejorar su carrera.

PISCIS (feb. 19 a mar. 20) Busque la manera correcta de deleitar a otros y podrá jactarse pronto de mayor abundancia a través de la expresión de su talento. Un buen día para comprar piezas artísticas para su hogar.

SI SU HIJO NACE HOY..... Será una de esas personas que aunque interesada en un trabajo tendrá su mente en alguna otra cosa para el futuro, lo cual ayudará a ascender en su carrera.

Turismo, inversion y Industrialisacion

WILLEMSTAD -- Ayera mer-
ia Camara di Comercio e In-
ustria di Corsouw a ofrece un
octel y rijstafel sumamente
nimá na e grupo di periodista-
n di Puerto Rico qu actual-
ente ta bishitando Corsouw.
E viahe di e grupo aki a ser
aneá riba iniciativa di Infloplan
i combinacion cu departamento
turismo di Corsouw y di acuer-
o cu e impresionnan qu nos por
tende di e diferente personan
a ta forma parti di e grupo,
an a keda totalmente impresioná
e encantanon qu nos isla tin
ofrece na estranheronan.
Esaki naturalmente lo no laga
ser reflehá den e articulonan
despues lo sali publica den
ensa na Puerto Rico y por lo
tanto por considera qu segura-
mente e ta na beneficio pa stimu-
turismo for di Puerto Rico pa
Corsouw.
Despues di e coctel e grupo a
nta na mesa pa disfruta di e
celente rijstafel di Piscadera
ro no promer qu e grupo a
erpreta e bunita cancion "Vie-
San Juan " di un manera es-
ntanec.
ey tabata solamente un mue-
ra di loke nan a brinda des-
des di e elocuente discurso di
njon Charlie Gomes Casseres,
esidente di Camara di Comer-
o, e industria, quende a ex-
nde un caluroso bonbini na e
isijnanan " di Puerto Rico.
l a yama nan bisinja y no
sitante pasobra loke un tempo
ata un distancia di 400 milla
laman qu tabata separa nos
anan Caribeense awendia a
ra bira un paseo aereo di so-
mente un ora, of pa expresele
n terminonan material : di
esshete dollar y mei.
ORSOUW TA NAN
GUNDO CAS.
n su discurso e presidente di
mara di Comercio a declara
si Puerto Rico ta nan cas,
rsouw ta nan segundo cas pa
bra nan ta nos bisinja pa e gran
mehansa entre nos pueblo
u historia :
iginalmente colonianan spanjo
spues posesionnan di paisnan
habla nordica, pero qu awen-
ta territorionan completa-
nte autonomo, habitá pa hende-
n di caracter latino, lengua
mana, y cu e mentalidad pro-
esista di mundo nobo.
spues di a elabora riba e pala-
a Bonbini y a declara na e
upo qu semper nan compatrio-
nan na Puerto Rico lo ta Bon-
i na Corsouw, senjon Charlie
mes Casseres a declara

Posibilidadnan di intercambio entre nos isla y Puerto Rico

qu nan lo no ta hombernan di em-
presa reuni den un Camara de
Comercio e Industria, si napkere
qu simplemente extendiendo nan
un Bonbini, qu nan lo ta fomenta
materialmente e trafico turistico
entre Puerto Rico y Cor-
souw.
Te awor aki e relacionnan entre
Puerto Rico y Corsouw tabata
poco y escaso, pero cu introduc-
cion di e berdadera era aerea,
di avionnan grandi qu dia pa dia
ta sigui crece na capacidad, ba-
hando e costonan di transporte
y reduciendo e tempu di viahe
di dia pa fraccionnan di ora, y
cu e rumbo actual di turismo
internacional, tin multiple razon
y basenan sano pa crea un acer-
camentu fructivo entre Puerto Ri-
co y Corsouw.
CAPACIDAD DI HOTELNAN
Seguidamente senjon Charlie
Gomes Casseres a indica qu
anja pasa turismo a contribui na
dies porciento di e producto bruto
nacional di Antillas Neerlandes
y den futuro e porciento aki lo
aumenta considerablemente.
Antillas ta spera sesenta mil tu-
rista den e proximo anja.
Huntu cu e hecho qu pa otro anja
nos por conta cu 400 kamber
di hotel mas, no ta di duda qu
turismo lo no tarda na sobrepasa
den importancia economica
e gran industria petrolera di
Shell Curacao, qu pa medio sig-
lo tabata nos principal fuente
di subsistencia.
E turismo cu nos ta tratando di
atrae lo no ta solamente for di
Merca: hopi lo binl for di Vene-
zuela di Colombia y di otropais-
nan latino den nos vecindario y
un cantidad interesante lo binl
for di Europa especialmente Hu-
landa, pasobra europeonan rapi-
damente ta birando viajeronan in-
ternacional di importancia.
Nos propio linea aerea nacional
ALM, ta treciendo turista pa nos
pais for di multiple puntonan
den Caribe qu e ta sirbi y prono-
to lo e extende grandemente e
area qu e ta cubri.
Riba nos aeropuerto interna-
cional, qu ta e mayor den Ca-
ribe, por baha e jumbo jet-
nan di e companianan interna-
cional manera Pan-American,
KLM y Viasa. Ta logico di spe-
ra qu e turista qu bishita Cor-

souw, lo kier continua su viahe
despues di mas o menos un si-
man di estadia. baiendo otro
sitionan interesante den nos
vecindario y ta exactamente den
e aspecto aki qu Puerto Rico y
Corsouw por coopera na interes
mutuo den e campo turistico.
E cooperacion aki ta sinta dene
hecho qu for di Puerto Rico nan
por dirigi e turistanan pa Cor-
souw y for di Corsouw pa Puer-
to Rico ya cu solamente un pa-
sashi di \$ 17,50 y un ora di

MAS CAMPO DI COOPERACION
Pero no ta solamente riba terre-
no di turismo e dos paisnan aki
por coopera cu otro.
Nos a studio e "operation Boot-
strap" cu gran admiracion, asina
senjon Charlie Gomes Casseres
a declara, y na Corsouw e con-
dicionnan ta hopi similar na esun
di Puerto Rico y e pais aki a lo-
gra industrializa gracias na su
estrecho relacion cu Merca y e
ausencia di impuesto riba produc-

VENTAHANAN PA
INVERSIONISTANAN.
Senjon Gomes Casseres a muestra
qu estrechamente relaciona cu
turismo e industrialisacion ta e
ramo di inversion. E capital
disponibel na Corsouw naturalmen-
te no ta suficiente pa financia
e inversionnan grandi cu turismo
hotelero ta requiriendo y qu lo
ta mayor den un futuro cercano.
Ya nos a logra atrae inver-
sionnan importante di empresa
liber na Hulanda, Suiza y Mer-



Promer qu e cena ayera nochí, Netherlands Antilles Public Relations a ofrece un coctel na e delegacion di Puerto Rico y aki por mira nan cu e miembronan di NAPRA den patio di Hotel Avila.

vuelo mester por realisa e plan
aki.
Ademas Corsouw y Puerto Ri-
co no ta competidos di otro
ya cu e atraccionnan di nos
ta diferente for di esunnan di
Puerto Rico di manera qu nos qu
complementa otro.
Un gran estimulo pa e iniciati-
va aki por ta un package-tour
entre Puerto Rico y Corsouw si
e ser aproba door di CAB di Mer-
ca pa e compania di aviacion
Caribair.

tonan fabrica na Puerto Rico.
Den caso di Antillas, e asociacion
di nos pais cu EEG ta otorga nos
e mesun ventahanan pasobra pro-
ductionan qu ser fabrica na An-
tillas por drenta e mercado di
EEG sin impuesto.
Sin embargo pa por probear di
e ventaha aki, nos mester crea
e industrianan mas conveniente
pa e fin aki pero comoquiera
qu nos isla falta e tradicion in-
dustrial, nos no tin e "know-
how" necesario.

ca, pero esaki no ta suficiente.
Sabiendo qu na Puerto Rico nan
tin un plan adelanta pa un Banco
di Desarrollo di Caribe y tambe
un proyecto basta concreto pa
formacion di un cooperacion pa
inversionnan den Caribe, senjon
Gomes Casseres a muestra qu
estranheronan ta goza di cierto
ventahanan masha atractivo
den e ramo di belasting y tambe
nan ta hanja proteccion legal
completo.
Cu otro palabra ta bale la pena
pa inversionistanan puertori-
queño investiga e posibilidadnan
y asegura nan mes, pa medio di
bishitanan personal, qu no so-
lamente nan mes, sino qu nan
capital tambe ta Bonbini na Cor-
souw.
Finalmente el a pldi e bisinja-
nan di Puerto Rico pa hiba e men-
sahe di e tres ofertanan aki
pa un cooperacion estrecho entre
Puerto Rico y Corsouw; esun
turistica, industrial e inver-
sionista.

Si nos por contribui cu e cono-
cimiento mercantil y participa-
cion financiera, pero nos kier
atrae for di exterior e mencio-
nado "know-how" industrial pa
asina evita e costoso perdida
di tempo qu e falta di experien-
cia lo causa.
Especialmente e presidente
di Camara di Comercio a muestra
qu na Puerto Rico nan tin multi-
ple industrianan di exportacion
pero qu nan productionan no por
drenta Mercado Comun Europeo
pa motibunan qu nan locobra nan
impuestonan extra fuerte pa viaja
nan ta procedente di tercer pais-
nan.
Pero loque si ta posibel ta qu
si e mesun industrianan aki
establece fabricanan subsidiaria
na Corsouw den forma di joint-
ventures cu interes y socionan
local, y e industrianan aki por
exporta nan productionan, di ori-
gen antillano, na e mercadohan
grandi y ricu di Europa. Esey
tabata otro plan qu e presiden-
te di Camara di Comercio a
expone na e periodistanan
Puertorriqueño ayera merdia.

Nan tur huntu ta tres as den un
man, y combina cu e di cuarto
qu yama bonbini, ta un combi-
nacion invencible.
Tur loke ta keda awor ta
pa corta e baraja y hunga e
wega aki.
Un aplauso caluroso a expresio-
na e impresion qu e discurso
fantastico di e presidente di Ca-
mara di Comercio a causa riba
e Puertorriqueñonan.
Despues di e parti oficial aki,
tabatin cancionnan y un recital
di poesie mientras cu finalmen-
te un di e periodistanan mas mu-
sical, huntu cu Miss Curacao,
senjorita Nena Sanchez a canta
nos himno pa e presentenan,



Despues di e coctel di NAPRA e "bisijnanan" di Puerto Rico a sinta na un cena di despedida qu depar-
to de turismo a ofrece e delegacion.

RIP KIRBY

pa cortesia di:

SAN BODEGON & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo.

MAXWELL HOUSE KOFFIE

BOTICA
NACHTDIENSTEN:Oranjestad - Botica Aruba Tel.
1080 -1081
San Nicolas - Botica San Lucas
Tel. 5119.

PELICULA

De Veer: 8,30 p.m. "Esther and the King" all
Rialto: 8,00 p.m. "Harper, the moving Target" 18 j
Principal: 8,00 p.m. "The Sporting Life" 18 j
Aurora: NO MOVIES
Savaneta: 8,00 p.m. "Your Cheating Heart" all

DICK TRACY

presenta pa cortesia di:

VICTORIA BOTTLING COMPANY

PEPCI-COLA--SEVEN UP--GRAPETTE-KIST--

VICTORIA SODA WATER--BUFFALO ROCK--GINGER ALE



PEPITA

EL REY
DEL TRAGOTIN UN
SORPRESA
Pa su consumidornanMIRA BAO DI E
TAPA DI CADA
BOTTER
RON REY
DE COPAS

Pa mas informacion:

Aruba
Distilling Co.

Congreso comunista Hungaro a pidi reunion di tur partido

BUDAPEST --UPI-- E secretario general di Partido Comunista Hungaro, Janos Kadar a pidi e reunion inmediata pa un conferencia mundial pa resolve e diferencianan cu China, cual gobierno a ser acusa di facilita e accion di e "imperialistanan" na Vietnam.

Kadar a papia durante di cuater ora den e sesion inaugural di e di nueve congreso di su partido afirmando: "Nos no por spera muchu mas. E interesnan di e clase obrero internacional y di humanidad mester tin prioridad absoluto."

Ela agrega qu ta necesario "unidad di accion den nos ayuda na Vietnam" y den e lucha contra nos enemigu comun, qu ta imperialismo pa ataca seguidamente e dirigentenan di China Comunista calificando nan di ta "perhudica e unidad di forsan revolucionario cu nan actividadnan anti-sovieticay actividadnan sectaria ta qu cau sando e perjuicio di mas grandi pa mundu comunista."

Kadar tambe a bisa qu e hefenan chino ta trata na sigura su "supremacia" cuminsando un supuesto "revolucion cultural proletaria" cual su unico fina-

lidad ta suprimi "oposicion na su opinionnan equivocada".

E proposicion di convoca un conferencia di tur e partidonan comunista di mundu pa trata e problema chino a ser presentata na cuminsamentu di luna pa e secretario general di Partido Bulgaro, Todor Zhikov, den e reunion nacional di e agrupacion aki qu a ser celebra na Sofia.

E iniciativa a ser apoya di inmediato pa e hefe di Partido Comunista Sovietico, Leonid Brezhnev, pero aparentemente no a logra e mayoria abrumadora qu, pa motibunandi prestigio, Moscu

mester conta Kremlin pa sigi cu su plan.

Riba un total di 50 voceronan di partidonan comunista nacional qu a papia den e congreso di Bulgaria, 36 di nan a bai di acuerdo cu e yamamentu di Zhikov y Brezhnev pero Rumania a oponer su mes mientras qu Italia a keda masha ketu mes y 12 orador no a papia mes riba e proyecto, eludiendo esaki cuidadosamente.

Den su discurso di ayera, Kadar, a insisti den qu e "actual politica perturbador di unidad ta sigi ser e dirigentenan chino, maske con e intencionnan ta.....nanta yuda e imperialistanan practicamente."

Ela referi despues na e conferencia y a muestra riba e hecho qu: "Den e ultimo dos anjanan aki aislamiento di e secretario nan (chinos) a aumenta considerablemente den e movimiento internacional comunista. Partido Socialista Obrero di Hungria ta apoya e idea di celebra un gran conferencia di partidario comunista, no pa e conferencia mes, sino como medio pa fortalece y amplia nos unidad y reuni e forsanen."

E dirigentenan hungaro a insisti tambe den qu perturbacion tem-

CAMPANJA INTENSO PA REFERENDUM NA ESPANA

MADRID --UPI-- E campanja gubernamental pa logra un asistancia ne referendum nacional di dia 14 di december proximo a fin di aproba e ley organica di estado qu a ser proclama pa generalisimo Francisco Franco, tabata den un intensidad particular den henter Spanja.

Anuncian similar tabata ser ripiti cada blaha riba e pantallanan di television y den cineman, mientras qu e corantnan y revistanan tabata multiplican nan entrevista y comentarios, ilustrando e significado di e reformanan institucional ampliamente.

Paralelamente, cayanany plaza nan tabata cuminsa ser materialmente enpapela cu cartelnan proclamando necesidad y deber pa vota pa "paz" refiriendo ne guerra civil cu a hinka Spanja den un baño di sanger tres decada pasa y hiba Franco na poder supremo di e pais. Avionnan special a sali durante e fin di siman qu a pasa pa e islanan Canaria y Baleares, precipitando vuelonan similar pa otro

poral di e unidad di e paisnan socialista a proporciona e imperialistanan oportunidad tactica, pero esaki no ta cambia e realidad di qu, historicamente paplando, nos era ta esun di transion di capitalismo pa socialismo."

hukinan di Spanja, cargando miles di panfletanan qu lo ser distribui pa e gobierno provincial pa hasi un yamamentu ne poblacion pa participa ne referendum.

E ministro mas importante di Gabinete tambe a keda pa hiba e mensaje di Gobierno personalmente na pueblo. Siguiendo e rumbo cu a ser estableci siman pasa pe ministro di informacion Manuel Iribarren, quende a afirma den un cadena di radio y television qu e voto afirmativo ta nifica vota pa Franco y futuro di Spanja, mientras qu e voto negativo lo ta pa sigi pasonan dictatoral di "Moscu y Praga".

ARGEL--UPI--Mas o menos 70 estudiante palestino a ocupa e embahada jordania den e capital aki mientras qu nan tabata grita "Rey Hussein ta un traidor", segun nan a informa.

E estudiantenan a declara qu nan tabata apoya e comandonan palestino qu ta opera den e territorio qu ta ocupa pa e sionistanan.

E atacantenan a destrui algun meubel. Primeramente nan a kibra diferente potretnan di e monarca pero e funcionarianan a bisa qu no tabatin dañonan masha masha grandi.